
Telegram di consumadëures Merz/Aurí 2025

Newsletter

Wenn Sie im KonsumentInnenschutz auf dem Laufenden sein wollen, abonnieren Sie kostenlos das Verbrauchertelegramm als Newsletter.

"Cumprede dal'Europa" – I consumadus y les consumadësses s'organisëia

Sciöche le ZDF cunta á i consumadus y les consumadësses metü a jí do le model dl Canada n movimënt che dess sostigní le consum de produc dal'Europa, olache al vëgn schivé da ion produc dai Stac Unis d'America.

La politica atuala di Stac Unis d'America ürta te vigni ciantun; tl'Europa vëgnel sö la domanda coche les consumadësses y i consumadus podess fá da se paré. Le movimënt "Cumpra dal'Europa" (BuyFromEU), na plata web sön le forum Reddit, ciara da dé na risposta (<https://www.goeuropean.org/>): chiló ciafëise na lista de alternatives europeiches por produc y marches di Stac Unis d'America.

Le proiet vëgn gestí aladô de sües informaziuns da 30 volontars y voluntares. Por chëstes n'é l'Europa nia ma l'Uniun europeica mo bëgn düc i 46 stac dl Consëi europeich. Le proiet impormó metü a jí vëgn finanzié cun spenöres privates.

Sce i USA ess da realisé sües manaciades sön i dac y mëte sön i produc europeics dac, che portass para dac sön i produc americans tl'Europa, ti rovassel pormez al aspet politich ince chël economich, y les alternatives europeiches diventass ince plü atratives dal punt de odüda finanziaar.

Ince la plata <https://buy-european.net/> pîta informaziuns sön produc dal'Europa, avisa sciöche l'app "Buy European", che garantësc da chirí chëstes informaziuns diretamënter tres la scansiun dl codesc di produc.

FWU Life Insurance Lux: Al é gnü comané la licuidaziun y nominé le licuidadú

Ai 31 de jená dl 2025 á le tribunal distretual de Luxemburg comané l'anulamënt y la licuidaziun de FWU Life Insurance Lux S.A. L'avocat Yann Baden é gnü nominé licuidadú por aministré le prozes de licuidaziun y defëne i interes dles porsonese assigurades.

Co vára pa sëgn inant

- Anunzia de ghiranza: Ti proscimi sis mëisc ti ortiará le licuidadú ales porsonese assigurades n formular de anunzia de ghiranza bele scrit fora en pert. Chësc é da scrí fora daldöt y da ti ortié cina alplü tert ai 31 de jená dl 2028 al licuidadú. Les porsonese atocades che ne ciafa nia ti proscimi sis mëisc o cina ai 31.07.2025 na comunicaziun, dess se lascé a d'intëne pro le licuidadú.
- Fasa de elaboraziun: Do chësc termo de sis mëisc é na fasa de elaboraziun che pó doré cina trëi agn.
- Licuidaziuns: Les prömes licuidaziuns a bëgn de che che é assiguré pón s'aspeté do la fin dla fasa de elaboraziun. Al mëss gní tigní cunt che les licuidaziuns ne arjunj dinenia la soma dles premies paiades ite, mo é alplü tan altes co l'ultimo valur de recumpra de so contrat lascé alsavëi. Chësc valur é da odëi ti ultimi estrac anuai dl contrat sot le punt "valore di riscatto".

Lista dles porsonese atocades dla ZCS

LA ZCS á scrit adöm na lista de porsonese atocades por ti ortié diretamënter tres e-mail les informaziuns atuales. Che che n'á nia ciámó contaté la ZCS por chësta cossa pó s'anunzié sot chësta e-mail: info-fwu@verbraucherzentrale.it y se lascé mëte sön lista dles porsonese atocades.

Al é da mëte averda a postes de soluziuns falzes: Al momënt n'él nia na poscibilité asvelta da anulé le contrat d'assiguraziun o damané n paiaimënt parzial.

Nusc, früc seciá y fonguns salvári: sëgn cun indicaziun dla provegnënza

Dal 1. de jená dl 2025 velet aladô dla strategia "Farm to Fork" regoles surapró nöies por la comercialisaziun de ordöra frësca, verzöra, bananes y produc seciá tl'UE.

Insciö mëssel gní dé dant ince por früc seciá, nusc y fonguns salvári y produc ma plü da cöje le Paisc de provegnënza. Chësta desposiziun vel ince por les mandoles, les nojeles, les nusc, i pistazi y i pinoi zënza scüsia; moscedoc de nusc tropicales; moscedoc de d'atri früc da scüsia; früc seciá (poms, marili, përs, sonjins y i.i.); fighi seciá; üa passa; agrums seciá; moscedoc de früc seciá cun früc esotics seciá; moscedoc de früc seciá cun früc da scüsia; bananes frësches y madüdes; fonguns nia coltivá

(danterater porcins, fiferlins y tartufi); somēnzēs descusciades frēsches de früc da cose y ordöra y verzöra arjignades da gní adorades. Pro i ultimi nen vára de produc destiná da gní mangiá atira frēsć o cōc y pro chī che la laoraziun é cotan deplū co ma le taié sō.

Por i moscedoc desvalis velel: sce i ingrediēnc dl moscedoz vëgn da plü de n Paisc pón tó les indicaziuns "UE", "Nia UE" o "UE y nia UE".

Alisiraziun fiscala "Pröma ciasa": Introduziun de n tēmp de dui agn por vëne la ciasa vedla De bones noeles por che che á bele cumpré na pröma ciasa nöia, mo ne sciafia nia da vëne la vedla te n ann

Tres la lege de bilanz 2025 él gnü porté ite na novité importante por ci che reverda les alisiraziuns fiscales por cumpré la pröma ciasa. Ales consumadësses y ai consumadus ti vëgnel dé plü tēmp por vëne n imobil bele de proprieté, zënza perde l'alisiraziun fiscala dl 2% dla cuta de register.

Chësta mudaziun reverda:

- i consumadus y les consumadësses che stlūj jö dal 1. de jená dl 2025 inant n contrat de cumpra autentiché dal notar;
- les consumadësses y i consumadus che á stlüt jö dl 2024 n contrat de cumpra notaril autentiché, mo n'á nia venü so quartier vedl cina la fin dl ann.

Dal arlungiamēt dl termo él stlüt fora: les consumadësses y i consumadus che á stlüt jö le contrat de cumpra notaril autentiché dan le 1. de jená dl 2025 y che á bele superé le termo de n ann preodü dal vedl regolamēt por la venüda dl vedl quartier.

Por podëi s'anuzé de chëstes alisiraziuns mësson ademplí ince certes condiziuns. Informaziuns menüdes é da ciafé sot:

<https://www.consumer.bz.it/de/steuerverguenstigung-erstwohnung-einfuehrung-einer-zwei-jahres-frist-fuer-den-verkauf-der-alten>

Vára da dlace ite le ciaijó?

N valgōnes sorts de ciaijó vára da dlace ite, mo d'atres bëgn no. Temperatōres de -18°C á na faziun desvalia sōn la saú y la consistēnza aladō dla sort de ciaijó.

Ciaijó dūr sciōche parmesan o Pecorino y ciaijó da taié sō dūr (por ej. Emmentaler) vára saurí da dlace ite. An pó dlace ite le toch intier, sones o toc o an pó ince le graté y spo le dlace ite. Papier dal smalz

danter les sones fej a na moda che ares ne taches nia adöm. Le parmesan dess gní graté ajache scenó se desfejel canche an le desdlacia. Ince **ciajos da taié sö mez-dürs** (por ej. Asiago, Fontina) y **ciajos da müfa zënza scorza** vára saurí da dlacé ite.

Implü ne desson nia dlacé ite **ciajó cun la scorza da müfa**. La scorza ciara fora bindebó da sgricé do che an l'á dlaciada ite y indô desdlaciada. Le ciajó morjel (por ej. Camembert, Brie) svilupëia porvia de so contignü plü alt de ega cristai de dlacia y se smardacëia do ester gnü dlacé ite y gnü desdlacé. Ciamó plü ega él tl **ciajó frësch, ciajó de ütia, ciote y tla mozzarella**. Da le dlacé ite y desdlacé indô se müda la consistënza y al vëgn da floc. Gnanca le **feta grech** n'é cis adaté da gní dlacé ite.

Le ciajó dlacé ite tëgn cina trëi mëisc tla dlaciara. Ciajó dlacé ite **desdlacion damí bel plan te dlaciara**. Cun la temperatöra daite se scialdassel massa debota y al pordess massa tröp licuid. **Ciajó desdlacé** dess atira gní mangé.

Al é proibí da tó la sostanza chimica BPA te confeziuns de patüc da mangé

La sostanza chimica bisphenol A (BPA) vëgn tuta tl'industria de materiali sintetics da arjigné ca policarbonac y medies d'epoxid. De regola é destributurs dal'ega, bossi de conserves, bozes da bëre y bozes de boandes da tó de plü iadi fac de policarbonac. Medies d'epoxid öga sciöche curidöres daite d.a. te bossi por boandes y conserves.

L'Autorité europeica por la segurëza di alimënc (EFSA) á ejaminé danü dl 2023 la segurëza di bisfenol A: porvia dles concentraziuns tutes sö é le BPA n **prigo por la sanité** dles consumadësses y di consumadus de döttes les etés. Al podess avëi na faziun sön le sistem imunitar y sön la balanza ormonala, sciöche ince alzé le prigo de maraties al cör y ala zircolaziun. L'EFSA á arbassé dl fatur 20.000 la cuantité d'assunziun al de da toleré de BPA y á ghiré che la Comisciun europeica toless mosöres surapró por sconé la popolaziun.

Sön na tara á la Comisciun europeica atira proibí **da adoré le BPA te confeziuns de alimënc**. I materiali de contat di alimënc, che é gnüs fac cun BPA ne pó porchël nia plü rové sön le marcé. Por la maiú pert di materiali velel n tëmp de transiziun de 18 mëisc (cina messé dl 2026), por certi materiali, sciöche por bossi de pësc, ordöra y verzöra, él preodü n tëmp de transiziun de 36 mëisc (cina de jená dl 2028).

Les aziëndes mëss sëgn debota mudé süa produziun y passé a materiali zënza BPA. I polimers de zelulosa o les materies primares vegetales vëgn aratá alternatives poscibles, ajache al é materiali artificizai nia danusc; n'atra poscibilité foss da s'anuzé dl spidl o dl aciá rafiné.

Da öna na pert é les organisaziuns por i consumadus y les consumadësses contënc dla proibiziun ghirada bele dî, dal'atra critichëieres che al vëgn impormó sëgn fat val' decuntra. I consumadus y les consumadësses é gnüs metüs agn alalungia tl prigo por nia.

Co stára pa cun le vin zënza alcol?

Tla relaziun Trendreport Ernährung 2025 (editur: Nutrition Impact Hub) é le vin zënza o da püch alcol al setimo post di trends plü importanc. La bira zënza alcol s'á oramai etablé y á arjunt sön le marcé todësch dla bira na pert dl marcé dl set porcënt. Pro le vin él ciamó da recuperé.

An ciafa pö bele vins rosé, blanc, cöci y vin spumant zënza alcol. Mo ai ne pó nia ciamó ti fá concorënza a chi da alcol por ci che reverda la saú. Chësc á da nen fá cun le fat che l'alcol é n portadú de aromesc. Sce al vëgn tut demez l'alcol dopormez, nen paia lassura l'aroma. Cun la prozedöra de dealcolisaziun vál a perde i aromesc.

Ince vin dealcolisé mëss naota jí tres n prozes de fermentaziun. De regola vëgn chësc architè denant, a na moda che al s'ais bele svilupé la saú da vin, mo che le zücher ne sides nia ciamó gnü trasformé daldöt te alcol. Insciö fej le zücher che romagn da portadú dl aroma, implü é la cuantité de alcol da tó y jí mëndra. La metoda che vëgn atualmënter tuta é la destilaziun sot a vacuum. Le vin vëgn scialdé sô tl tanch sot a vacuum cina a na temperaturä da 30 a 35 degrá Celsius, a na moda che l'alcol evaporëies. Por mirit dles temperaturës basses se mantëgn i aromesc damí. Vins zënza alcol pó ma avëi aladô dla definiziun alplü 0,5 porcënt de volum alcolich. La maiú pert di vins zënza alcol á 0,25 porcënt de volum - chël é manco de ci che n süch de früc pó contigní.

Isté cun les furnadoies 2025

Dan da püch él gnü presenté l'aziun Isté cun les furnadoies 2025. Sciöche bele tla sajun da d'isté 2024 ciafa ince chësc ann che che á le Südtirol Pass na reduziun dl prisc de altamo le 30 porcënt pro passa 60 implanc portamunt tl Südtirol.

Por s'anuzé dla reduziun dl prisc preodü mësson **avëi n Südtirol Pass, Euregio Family Pass, Südtirol Pass abo+, Südtirol Pass 65+ o Südtirol Pass free (tl dagní n südtirolmobil-abo da n prisc fis).**

Che che á n Südtirol Pass y á bele ciafé dl **2024 n adesif** pó ince l'adoré dl 2025. Che che á trat jö l'adesif o ne l'á nia ciafé por posta dl 2024 pó damané do le **duplicat pro i infopoints de südtirolmobil.**

Important: Pro la cassa di implanc portamunt che fej para mësson mostré le Südtirol Pass (cun l'adesif) y ince n documënt d'identité por ciafé na reduziun dl prisc.

Deplü informaziuns é da ciafé sot a chësc link: <https://www.suedtirolmobil.info/lad/iste-cun-les-furnadoies-2025>

